



PAMFLET

481





Des Conincklike Mai.

W 8713 27

van Spaengnien. &c. alderghenadichste
verclaringhe vanden goeden wille en Vaderlycke
gheneghentheyt tot zyne Nederlantche Vassalen en Onderdanen/
ouerghegeuen aende Commissarisen der Keyserlycke Majest. op de
propositien vanden Staten den eersten Junij van den Jaere
dussent vijfhondert neghentseuentic tot Ceulen
dewelcke van eenen vegelycken en die ghe-
hele werelt seer hooghlycken is te
louen ende prysen.
(..)

Salut. p.

Yst dat ghy maelcanderen bydt ende eet/so siet toe dat ghy
niet van maelcanderen en wort verteret.



Gerst
Ghedrukt tot Ceulen opden Burchmuer
By Godefroy van Kempen.
Muno 1 5 7 9.

481
9

Hoochvveerdichste, Doorluchtighe

Vorsten ende Edele Heeren des Rep:

serlijcke Maieſteyts Commissarissen.



Ne dien die Hertoghe van Terra Noua Prince vā Castelueterano en Commissaris des Coninclycke Mai. gesien heeft het geschrift vande ghedeputeerde der Nederlandſche Staten hem ouerghegeuen/ wt vlieder alder beuel/ soo hout hy voor geheel te verghhefs ende onnoodich. In respecte des Co. Maist. we oorsaken van allulcken schryuen metten ghedeputeerde vele te arguren ende disputeren/ oft het selue met een teghengheschrift/ straffelijck ende van ontweerden te maken oft wederlegghen. Maer veel meer tselue te vermijden om te schouwen alle omweghen van te lanchduerighe disputeringen/ ende alleenlijcken aen te nemen / waer mede eenen vegheelijcken sonder vertoeuen ende cenuoudelijcken voor d' ooghen gheselt mach worden die groote liefde ende vaderlijcke toegenegentheyt/ waer toe zijne Co. Maist. als een naturelijcke Vorst/ wt zijne eyghen aengeboren goetheyt seer ghenadelijcken ghetrocken wort tot zijne Nederlandſche onderlaten/ dewelcke zijne Maist. ouer al ende gheheelijcken wederomme ten hoochsten begheert te sien in hunnen ouden staet ende heerlijcheyt. Als naturelijcken in hunne Statuyten/ Rechten/ Gebruyken/ ghewoonten en oude priuilegien/ so wel aengaende het stuck der heyligher Religien ende zijne schuldige ghehoorsaemheyt/ als ooc der gherechticheyt/ en saken der policien ende besondere oock die weluaert der Coopmanshandel. Daeromme soo heeft den voornoemden Hertoghe goet ghedocht/ sonder eenich vertoeuen Inden name des hoochgenoemden Co. Maist. den volcke ende de Staten der Nederlanden miltelijcken ende goetwillichlijcken te presenteren ende ouer te gheuen die nauolghende Artickelen / In de welcke men gheheelijcken siet begrepen te zijne alle het ghene welcke vande goetdertighe Onderdanen / ende de welcke anders niet en haccken dan naer hun eyghen weluaert en salicheyt/ niet eeren versocht ende begheert soude moghen worden/ Met Gods voorsienicheyt de selue moeten allen den gemeynen volcke/ mitsgaders den Staten ter herten gaen inder vueghen dat sy die niet alleene met grooter vruechden en betuyghen/ maer oock ghehoorsaemlijck aennemen van zijne Maist. als heuren naturelijcken ende ouersten Prince/ en oock die coppe in Franchoyse spraeche ouer ghegheuen houden voor het Originael.

A. Inden eersten/ op dat inde herten der Onderlaten gheenderley oorsaken

Al. g.

saken

raden en bliuen van eenich onghelooft oft mistrouwen/maer dat alle twiſſelachticheyt die daer nu ter tijt by hun soude moghen wesen / oft noch naemaels toe comen vanden gronde totten Wortelz wigheroeyt ende wech ghenomen worde. So is zijne **M.** te vieden dat ten beyden zijden sullen wesen vergheten alle saecken die daer vanden aenuanc deser beroerten en weerringen gheschiet zijn ende dat de selue gheheelen sullen zijn vergheten ende begrauen ghelijck of die noyt en waren ghebeert.

ij. Verbiედende daeromme ernstelijcken/ niet alleene alle ghemeyne Procureurs ende Officialen/ maer oock alle andere personen/ so wel ghemeyne als besondere/ van wat condittien ende ghelegghentheyt die oock zijn moghen dat sy van nu voortane van wegghen der voorgaender stucken ofte saecken gheen menschen en beswaren het zy inwendich oft wtwendich den gherechte metten woorden oft oock anderen manieren van toome/ maer hier teghens met neersticheyt daer ouer en aene te zijn/ daermede zy onder malcanderen vredelijcken ende broederlijcken leuen ende alle eenicheyt onderhouden. Ende dat op straffen ten exemple/ waermede men die ouertreeders des ghemeyne rustes en die vriedebrekers te straffen plach.

ij. Daer na verheft ende ghelooft die Con. **M.** aiesteyt ernstelijcken alle zijne Vassalen ende Onderdanen van nu voortane te onderhouden ende handhaben / Iac oock (by so verre het also noodich zy) vā nieuwer becreftighen ende beueſtighen alle ende peghelijcken Rechten/ ghebruicken/ ghewoonheden ende Wyheden van allen landen Steden/ Merckten/ Ghemeynen ende andere priuate/ so wel int Generael als int besondere. Inder vueghen zy de selue ghebruickt hebben ende gebruichten ten tijde doen zijne **M.** aiesteyt inde selue landen ende Prouintien gheluldt is gheworden ende aldoen ghelooft ende gheswoorn heeft te houdene / ende by soo verre middeler tijdt de selue Priuilegien hadden gheleeden eenighen aenstoock oft verminderinghe ende selue blecke/ soo is zijne **M.** aiesteyt bereydt de selue wederomme te vernieuwen ende te stellen in hunnen ouden staet ende wesen.

liij. Ende hoewel zijne Conincklijcke **M.** aiesteyt in voorleeden tijde wt oorlaecken vande aldoen toeghecomene beroerten ghenootsacckt is gheweest/ verscheyden ende vreemde Grijchlieden tot behoudinghe van sijne Conincklijcke authoriteyt inde Nederlanden te veughen/ ende nu wt vaderlijcke ghenegghentheyt aenmerckt die groote beswaringhen Onderdanen daer door toeghecomen/ Soe wilt zijne **M.** aiesteyt niet lieuer doen/ dan (nae dien daer weghescondicht sal wesen een ghemeine

meyne vrede) alle en peggelycke vreedende Soldaten / Spaensgaerde / Italianen / hoochduysche / Bourgoingsche / Walen / Enghelesche Schotten / ende voorts alle andere Welantsche wt orsaken van den beroerten ten beyden syden vergaert / ernstelijcken te beuelen ende ghebieden / sonder eenich langher verreck te recken wt allen den Prouintien der Nederlanden. Ende sullen in hunne plaetse inden Steden / Casteelen ende Fortreken alwaermen vanden tijden besettinghen ghehouden heeft / ghestelt worden naturelijcke Soldaten deswelcke met eenen besonderen Ede / so hier onder verclaert sal worden verbonden sullen wesen.

v. Aengaende dandere Inlantsche Soldaten / de selue sal zijne Maesteyt tot volcommen verlichtinghe ende ontlastinghe van alle bedructe Onderdanen / gheheelijcken beuelen (soo gheringhe die voorschreuen vercondinge gheschiet sal zijn) dat allen Crichs volck te water ende te lande afghedancet is ende de selue verlaten zijn / alleene ghelijck bouen is ende de selue verlaten zijn / alleene ghelijck bouen ghesegt is ghereferuwert Crichsieden stellende inde ordinairse besettinghen.

vi. Als nu den vrede becreftich is / ende door het wechnemen vande vreedende Crichsieden afghenomen sullen wesen alle orsaken der wapenen / te verhoppen ware dat alle dinghen wederomme tot ruste ende vryheyt gheraecten mochte / ende daermede een peggelyc hemden vrede des te meer vertrouwe ende den seluen ghenieten mochte / wort beuonden den ghemeynen nutte alderbest te wesen / dat hem het ghemeyne volck sonder eenich vertreck wederomme begeue tot hunne handwercken Coopmanschappen ende handelinghe des vrede daer mede hy hunne Vrouwen ende Kinderen / bequamelijcken ende eerlijcken op onthouden ende gheneeren moghen / ende daer mede die aenghenome orsaken ende besondere oock alle ghebriicke ende wederwerticheyt (die daer wt orsaken des Crichs handel te volghen plaghen) verhuedt mochten worden / Sal zijne Maesteyt op allen plaetsen ende Steden beuelen die wapenene neder ende af te legghene / soo wel ten lande als inde Steden / by ghene dewelcke daer ten tijde van pepse de selue niet en plaghen te ghebruycen / in alder manieren ende vueghen ghelijck voormis gheschiet is / so wel voor deerte als nu oock voor de leste beroerten.

vii. Voorts op dat te meer ooghenlijcklike ende vlytigher zijne Maesteyt warachtighe vaderlijcke liefde ende geneghenteyt / die zijne Maesteyt tot zijne volcke draecht die ghehele wyde werelt openbare worde ende inde licht comme / Naer dien het Volck oock daz vercl.

veelderhande Tollen/ Imposten/ lasten ende schattingen schier by na geheel bedoruen ende wegghemerghelt schijnen te zyne inder vueren dat sy van nu voordane geen meerdere lasten en sullen conuen verdraghen. So is zyne Maist. ghenadighe wille op dat zyne onderlaten wederomme tot hem seluen comen/ dat alle schattinghen/ Imposten ende alle andere ghewoonlijcke Tollen ende beswaernissen die van wegen die Iegenwoordige veruerten opgheselt zyn / geheelijcken afghedaen ende wech ghenomen sullen worden. Nochtans niet sulcker meyninghen/ indien beuonden wert datter eenige vande selue van noode waren/ alnoch te houdene ten ghemeynen profijte ende dat zyne Mai. daer af vanden Staten werde ghegheuen ghenoechsaem bewijs / sal zyne Mai. hem daer toe verstaen/ om t'acorderen met den Raedt ende begherte vanden Staten.

viij. Oock so sal die vryheyt des Coopmans handel wederom in traeyn ghebrocht worden ende ghehouden den vry passagie op allen plaetsen door Steden/ Dorpen/ schiphauen ende ouer Brugghen der seluer Prouintien te lande en te water door vloeden en stromen/ gheelijc voor desen troubel plach te gheschieden. Oock sullen die nieuwe tollens en beswaernissen die sonder zyne Maists. wete en auctoriteyt dese veroerten opgheselt zyn sonder vertreck afgeselt worden.

ix. En alsomen wel meynent/ te handelen datter een goede vasse en sekere vrede getracteert en gheslooten sal worden / maer also den seluen niet ghehouden en can ghewesen ten sy dat hy is gefunderet oprechtelijcken en behoorlijcken. Op dat zyne Mai. niet achter en late eenighe oorsaken oft redenen van clachten ende veranderingen tusschen zyne Maists. Onderlaten. So is zyne Mai. ghemeynt alsic ende peggelijcke onderlaten op wat zyden de selue oock tot noch toe hun hebben ghehouden / niet ghelijcker mildicheyt en ionste ghenadichlijcken aen te nemene. Ende oock op dat het eerste Artickel van aller ghemeyner verghetenheyt van alle ouerredinghen (waer inne het fundament van eenen vassen Vrede is ghelegen) zyne werkinghe en effect moghen sorteren/ so vercleert en wilt zyne Mai. dat alle Seestelijcke ende wereltlijcke personen alle hunne goeden ruenderende ende onruenderende / Tijtelen / schulden en Actien/ rustelijcken/ en vriedelijcken wederomme sullen becommen/ en de selue terstont wederomme sonder eenighe molestatie ghebruycken en ghenieten/ namentlijcken in alsulcken staet en wesen gelijckmen de selue nu ter tijt sal beuinden/ sonder eenich bedroch oft arghelist/ niet teghenstaende eenighe onturcendinghe oft alienatie die daer teghens ghedaen soude moghen wesen. En selue soo wel in Bourgongien/ Luxembourgh/ Hoilant ende Zeclant/ als oock in allen anderen Prouintien
ende

ende plaetfen / so wel in respecte der Gheestelijckheyt als oock van den Prince van Orangien ende alle andere / niet teghenstaende dat die twee vande voorschreuen Prouintien/namentlycken Bourgoinien ende Luxembourch/exempt ende niet begrepen en zyn inde handelinghe van desen tractate.

x. Van ghelijcken oock op dat aengaende den voorschreuen oorsaken hem niemant en beclaghe/ende oock dat hy niet en meyne wtghesloten te zyne inde toebehoorende vertroostinghen / soo is zijne Maie. sin ende wille/ Dat een veghelijck vanden Ondanen ten beyden zyden in zijne eere/neederheyt/beneficien/regeringhen/dienstē en officien in aller manieren wederomme vernicut ende inghescheldt sal worden. In ghelijcker vueghen ghelijck hy is gheroeck vanden tijt van deser beroerten. Allenlijcken wtghenomen de ghene die daer ouertuycht sullen worden teghens Recht/Bijheyt/ende Priuilegien des Vaderlants met eenighe dienstē en officien versien te zyn gheroeck / met restrictie dat alsulcke gherestitueerde ende wederomme inghescheldt ghehouden sullen wesen te doene den Eedt van dese veghenwoordighe tonderhouden/ghelijck oock van gelijcken schuldich sullen wesen te doene die andere dewelcke tot nieuwe Officien aenghenomen sullen worden / Wederropende afstellende ende makende van onweerden alle tghene welck ten beyden zyden daer teghens ghedaen bekend ende bewesen mochte wesen.

xi. Ende alsoo zijne Maesteyt gheheel nootelijcken beuinde te zyne dat in dese saecke tot meerdere assecurantie ende verskertheyt der Onderlaten/ Dat alle diensten ende ghemeyne Officien bediet worden door naturele / sal ernstlijcken versien ende acht ghenomen worden/op dat niemant van nu voordane toeghelaten en sal worden tot regeeringhe der Prouintien / Steden/Castelen ende Stercken noch oock niet tot Hoplieden oft Crich beuelhebbers / oft tot den Raedt van Staten oft Secreten Raede/of andere Officien / dan allelijcke Naturele des Vaderlands / dewelcke ooc schuldich sullen wesen dese Articulen te sweeren/ met gheloofte de selue vast ende van weerden te houdene/op pene van meyneedicheyt/ want in dit Articikel alleene schijnt te wesen die principale versckeringhe vande begonste Vrede/ende niet dat alleene/ maer oock die ruste vande Vrede ende het behaghen van eenen veghelijcken / inder vueghen dat dien aengaende vanden Staten niet meer en soude conuen versocht oft begheert worden.

xii. Hierenbouen soo sullen alle gheuangen ten beyden zyden de welcke wt oorsaken van dese groote beroerten ende onernicheyt
notij

noegertijde gheuangghen zijn terstondt ende sonder eenich vertreck/
sonder eenich ghelt oft rantsoen los en vry gelaten worden ten ware
dat voor Datum van desen anders dien aengaende waer gheaccoor-
deert ghelooft oft toegheset.

xij. Soo vele als aengaet den Graue van Gueren / nae dien zijne
Maist. voorighenomen heeft hem allen Onderlaten int ghemeyne
Waderlijcken en alderghenadichlijcken te presenteren. Soo is zijne
Maist. te vreden en gheneycht den seluen Graue (hoe wel nochtans
daer zijn andere besondere tractaten ter contrarien) niet weynigher
so haest eenichsins moghelijc is in zijne oude Wyheyt ende Wader-
lant te restituere / Welck is zijne Co. Maisteyts besondere mildic-
heyt en ghenade / ende bouen allen desen den seluen ouer te gheue
die regeringe der Prouintien van Hollandt en Zeclant mitsgaders
oock vander Stadt ende landen van Utrecht.

xiiij. En voor so vele als aengaet den Mandementen en Ordinan-
tien de welcke daer door den Ertshertoge Mathias en den Staten
vanden tijde af der lester beroceten onder zijne Maiestes name wt-
ghegaen zijn / niet teghenstaende dat de selue ooghschijnlijcken door
faulke van behoorlijcke authoriteyt crachteloos oft van omweerden
zijn / So is nochtans zijne Maist. te vreden dat de selue oprecht ende
van weerden ghehouden sullen worden en hem behoorlijck effect soe-
terren / Te wetene voor so vele aengaet den Beneficien / digniteyten /
Offitien ende ander dinghen de welcke inde macht ordentlijcke dis-
positie ende versienighe staen / de welcke voorighestelt zijn der rege-
ringhen / Maer niet in saecken aengaende de welcke ghereserueert
en voorbehouden zijn den eyghenen person van zijne Conincklijcke
Maisteyt. Op so verre daer eenighe van dien teghens den Rechte
Priuilegien en Wyheden des Waderlants so welint gemeyn als int
besondere eenichsins tot eenighen nadeele en schade gheschiet wa-
ren.

xv. Van ghelijcken oock ofter eenighe Guericheyt van allen Ste-
den oft plaetsen oft amptlieden van hun beuel ende Officie / van we-
ghen ander aensichtinghe der Priuilegien ende rechten oock ordent-
lijcke ghebruyck ende maniere der Steden ende plaetsen ter contra-
rien van dien afgheset waren. So sullen de selue sonder vertreck
oft langher ophouden wederomme daerinne ghestelt ende in hunne
eere ende digniteyten vernieut worden. En inde selue verkiefinghe
der seluer sal in toecomenden tijden gheobserueert worden ghelijck
van ouden tijden naer de rechten manieren ende Priuilegien van
eens peghelijck landt oock vander Stadt ende plaetse / waermede
gheen.

gherensins en sal gheschieden datter bedroeft oft veronghelycht worde.

xiij. Nu soo vele als aengaet der Religien dewelcke alle Christolijche Vorsten hun ten alderhoochsten ende naemsten moeten houden voor beuolen/ en en zijne Maesteyt de selue gherensins laten ouertreden/ Maer vele meer dien aengaende velghende die verclappen vande Catholijcke Coninghen zijne Maesteyts lieue Voorouders/ begheert ende beueert in alle zijne Patrimoniale Prouintien ende landen ghehouden ende bewaert te wordene die Catholijcke Apostolijcke Roocke Religie/ de welcke inden seluen landen niet alleene van oude tijde tot noch toe aenghenomen is gheweest/ maer oock onder de selue in groote ghelucksalicheyt ende prosperiteyt gheromen zyn. So oock kennelijck ende warachtich dat zijne Maesteyt inder seluer Religien/ ghelijck alle andere zijne Voorvaders inde selue Prouintien ende landen voor hunne ouersten ende naturelijcken Vorst ghehuldt ende by eede aenghenomen is. Ende als die voorscreuen Religie van nu voortane (alle andere wtghesloten) vry vriedelijck ende onuerhindert in alle plaetsen der Nederlanden gheleert ende ghehouden worden/ Ghelijck die Staten aen zijne Maesteyt soo wel voor als naer dese beroeren in vele buccen hebben toegheseght te doene ende beuorderen/ ende noch onlanck ghescreuen aende Keyserlijcke Maesteyt. Dat zy in dier vueggen niet sonder swaeren last ende schande/ Zae oock niet sonder vernedringhe van alle politicien ende borgherlijck wesen/ hun in sulcken ghewichtigen saecken eenichsins sullen contrarien ende teghengaeu hunne eyghene gheschiften ende ghelooften.

xvij. Niet te min by soo verre eenighe vanden Onderlaten oft Inwoonders/ wt oorsaken (oecarmen) van allulcken differentie inder Religien oft door andere dierghelijcke oft differente oorsaken/ te enigen tijde wten lande vertrecken wilde. Sal zijne Maesteyt eenen peghelijcken consenteren selue te doene binnen vier naestcomende Jaeren/ by soo verre zy hun binnen middelen tijde ernstlycken houden sonder eenighe eyghenisse oft oproer/ in welcken gheualle zy oock alle hunne goeden ruerende ende onruerende oock hunne gherechten ende Actien sullen ghenieten ende ghebruicken. Oock de selue ter plaetsen daert hi ghelieuen sal moghen verbuieren vercoopen/ ende dragen alles na hunder gheliefte/ Zae dat noch meer is so verre zy hunne goeden lieuer willen behouden ende euenwel op andere plaetsen willen gaen woonen en vertrecken/ sal hen toeghelaten worden/ ouer de selue inden landen te stellen Catholijcke Facteurs ende Gentmeesters wie de selue oock wesen moghen/ Ende daer naer soo dickmaels alst hen ghelieuen sal wederomme in ende tot die Prouintien ende landen te comen ende hunne goeden wederomme seluer te bedienen/ sal eenen pelgcken het selue by goeden trouwe ende ghelooue toeghelaten worden so gheringhe als sy den Pastoren/ Officieren/ ende Magistraten der plaetsen daer zy lieden

den in meddinghen zijn wederomme te commene aenghegheuen sullen
hebbē hunne voorgaende meyninge/ **M**its hen aldaer houdende en le-
uende/ghelyc goede Catholijcke perloonen schuldich zijn te doene. **W**a-
welcke Conincklycke mildicheyt ende toelatinghe eenen peghelijcken
keninelijck wort/dat zijne **M**aiestept niet als een Griffioen oft Confisca-
teur en beggeert oft en soeckt dastrachinghe ende ondanc van den goe-
den zijnder **O**nderlaten vele min dat zijne **M**aiestepts meyninge noyt
so gheueest de selue volghende die vergaende **M**andamenten groote-
lijcken te straffen/ **M**aer vele meer ghesint ende van meyninghen is
de selue **M**andamenten ende **P**laccaten met **R**ade van **S**taten ghe-
burelijcker wijs te reuoceren ende casseren.

vij **A**engaende die **R**eputatie aucthoriteyt en gehoorlaemheyt van
zijne **M**aiestept die **O**nderdanen naer allen godliken ende mensche-
lijcken Rechten / als hunnen warachtighen ouersten **W**orst oft **H**eer
schuldich zijn / sullen de selue wederomme vernieuwt ende ghehouden
worden in alder manieren ghelyck dat naer recht ende redene behoort/
ende hier voortijts wel onderhouden is gheweest / **A**ls namentlijcken
dat die gherechticheyt wel ende recht worde gheadministrert ende die
Onderlaten in billicheyt ruste ende gehoorlaemheyt gheregeert/ ende
dat in alder manieren/ ghelyck ten tijden van onder gedachtenissen des
in **G**odt verstoruen **K**eylers **C**aroli **Q**uinti ende zijne voorouder oock
van zijne **M**aiestept totten aenghanch van deser beroerten is gheschiet/
Sonder welke vernieuwinghe en restitutie der aucthoriteyt is geheel
onmoghelijcken het volck in eenicheyt oprechticheyt gherechtichicheyt
rust ende vrede te hanthouden ende onderhouden.

xix. **N**u resteerter te ordineren vande ghemeyne regeringhe der voor-
schreuen **P**rouintien/ **E**nde sal zijne **M**aiestept kiesen eenen **P**rince oft
Princessē van zijne **M**aiestepts bloede de welcke van alle dinghen sal
hebben goede kennisse ende alsulcke gauen als tot sulcher hoochweerdig-
gher regeringhe van noode is / ende daermede die **O**nderlaten wel te
vreden sullen zijn/ ende sal regeren in alder rechtueerdich ende behoor-
lijckheyt besondere oock naer ghebruick rechten ghewoonheyden ende
Priuilegien der voorschreuen **P**rouintien / daer oock begrepen sal zijn
het **E**dict van dese ieghetwordige vereringhe ende vanden maekinghe
de selue oock van ghelijcken te ghelouen ende te besweeren.

xx. **W**olts soo sal de macht van alsulcken **S**ouuerneur vande **V**ande
sonder eenich dila y volcommelijcken ende ghehelelijckē toeghestelt ende
ouerghelouert worden/ **A**lle ende **S**eghelijcke **S**teden sterckē en plaetse
de welcke daer vander eender oft der ander ziden het y door wat tijtel
oft voornemen de selue ingehouden worden/ mitsgaders die patrimo-
niale goeden zijne **M**at. toebehoorende/ **O**ock alle ghelchut artillerie
prouanden wapenen ende schepen / op dat hy daermede mach doen en
lacten.

laten ghelyck hy dat ten dienste welvaert ende bescherminghe van zyn-
der Maesteyt ende den landen sal beuinden bequasim van noode en-
de dienstelycken te zyne ende ghelyck dat behoort te gheschieden ende
voor dese ieghenwoordighe beroerten gheschiet is.

xxi. Vergunt oock zyne Maesteyt en dat wt enckle ghenade ende tot
verorderinghe van dese vereringhe dat all eghene welck tot nu toe vā
zyne Maie. patrimoniale goeden en schatten byden volcke is ghenome
ende versammelt/ dat al selue also voor ontfangen en versamelt sal bly-
uen/sonder eenighe menschen dien aengaende te veruolgen / molesteren
oft trauaileren/behoudelijcken/nochtans dat van nu voordane al sulcke
beswaernissen ende versamelinghen niet meer en sullen gheschieden.

xxij. Aengaende het Tractaet van Ghendr ende der generale Staten
daer op gevolgde Wile ende eewich Edict/sullen alle en iegelycke dar-
tikelen der seluer/de welcke beuonden worden desen ieghenwoordigen
tractate niet te contrarieren in hunnen wesen gheheelen en vast gehou-
den worden.

xxij. Behoudelijcken nochtans dat die Staten sonder eenich dyslay af-
stant sullen doen en renouncieren van alle andere verbintenissen han-
delinghen en ghelooften/dewelcke wt orsaken der voorschreuen beroer-
ten so wel binnen als buyten den landen ghemaect zyn/ En sullen oock
in dit tractaet begrepen zyn die Coninghinne van Enghelant ende den
Hertoghe van Alenchon.

xxij. En na dien zyne Maest. in alder manieren dit ieghenwoordich
tractaet eewichlijcken begheert te bliuen van weerden is zyne Maie. son-
der eenich twyfel hoochelijcken aenghenacim/dat zyne Pauselijcke hey-
licheyt als een hooft vander alder ghemeynder kercken/ende zyne Key-
serlijcke Maie. mitsgaders den anderen Vorsten ghedeputeert wesende
om dese ieghenwoordighe viede te tracteren/vriendelijcke versocht wor-
den hun te stellen als middelaers tusschen beyde den partijen / ende ge-
louen/dat alle ende ieghelijcke dattikelen in desen tractate begrepen op-
rechtelijcken in goeder trouwen ende sonder eenighe contradicie ver-
uult ende gheheelijcken volbrocht sullen worden.

xxv. Ten lesten op dat het niet en schyne datter eenighe faulte is ghe-
weest aen zyne Maie. van weghen die ghenoechsame berestige en ver-
sekeringhe van allen den laecken bouen gheruert / soo presenteert zyne
Maest. bereet te zyne alle ende peghelijcke den voorschreuen puncten
niet allerne met Conincklijcken woorde maer oock met eenen Solemni
Juramento oft eedt te beuestighen en becrestighen/ en daer op te expe-
dieren opene brieuen so wel met onderschrijvinghe van zyne Maest.
name als oock met opdruckinghe zijns Conincklijcken seghele/by forme
ende maniere van eewigen ende onwederroepelicken Edicte in Fran-
choser en Duytscher Talen/en also op als te verskeren een volcomen
ontwepelijck gheloue. Ende na dien al sulcke brieuen zyn gherpedieert
sullen de selue terstont door beuel van zyne Maie. worden gepubliceert
ende

ende haer na ghelegt by de ghemeyne Acten so wel vanden hooghen als
 vanden Prouincialen Raden ghelycken ghewoonlycken is te doene/ en
 den nacomelinghen achterghelaten worden voor een ewich Statuut.
 xviii. Van ghelucken hier teghene/ so sullen die Staten ghesament-
 lich oft elck besondere ghelouen ende sweeren/ dat sy in hantne landen
 oft Prouintien by alle Ouericheyt vanden Steden ende Ghemeenten
 vande gheheele Nederlanden / onuerbickelighen sullen achteruolghen
 ende onderhouden alle ende yeghelijcke den voorlich punten niet be-
 creftinghe des Solemnij Juramenti oft eedts ghelyck sy lieden wt ghe-
 ghetrouwicheyt ende ghehoorsaemheyt zyne Maesteyt schuldich syn.
 xxiij. Nu dan alle de voorschreue artickelen so gheheel oueruloe-
 dich rechtelick en willich sijn/ Soo is gheheslijcken zyne Maie-
 meyninghe dat de selue niet alleene van v lieden hoochwoerdichste
 doorluchtichste Vorsten ende heeren keiserlijcke Commissarissen
 maer oock vande gheheele werelt hoochlijcken sullen gheloofte en
 ghepresen/ en gheestimeert so wel voor de Staten als oock voor de
 Onderlaten prijselijck te zyne/ Ende daeromme in gheender ma-
 nieren toelaten/ dat de selue soo rijckelijcke nuerlijcke en ghenadi-
 ghe Co. Maest. aenberdinge oft presentatie in al oft in deele zyne
 Maesteyt oft zynen nacomelinghen ontualen sullen. Besondere
 terwylen de selue comen niet min wt een ghenadich en goetherich
 ghemoet/ als oock wt een vaderlijcke liefde de welcke sijne Maie-
 diaecht tot sijne Nederlandische Onderlaten van welcke sijne Maie-
 niet ghemeyne maer heerlijcke dienste in voorgaenden tijde heeft
 ontfanghen/ ende daeromme oock gheenslits en twijfelt/ oft
 de tijden sullen wederomme comen/ inde welcke sijne
 Maesteyt mitsgaders sijne nacomelinghen
 wederomme die ghelijcke sullen verwach-
 ten ende verhoopen/ Itcum tot Co-
 len den eersten inden Jare.

M. D. LXXX.

F I N I S.

